

San Nicolas ta di hubilo cu proyectonan nobo pa IMSAN



a pasa den momentonan cu a duda cu e financiamiento por wordo logra.

Pa loke ta e proyectonan mes, entre otro e Centro di Oncologia y tres sala di operacion cu sigur ta reduci e tempo di espera, e mandatario a bisa cu e ta wordo considera door di Gobierno algo masha grandi. “Semper nos a mira un potencial den IMSAN, kisas no completamente manera el a

wordo pensa originalmente, pero si e concepto cu algun servicio por wordo melhora na San Nicolas y cu por bini cu un redistribucion di e servicicionan medico na Aruba, unda cu por concentra cierto di e servicicionan medico na HOH y otronan na San Nicolas, aliviando e operacion di ambos.” Tambe e mandatario a bisa cu e inversion cu ta bay pa Oncologia y Radiologia, cu

salanan di operacion nobo y sofisticada, ta pone cu San Nicolas ta di hubilo cu un proyecto asina grandi. Den henter e proyecto aki, Baptist Institute ta un partner importante cu a yuda pa haya e certificacion necesario, loke ta wordo reconoci door di companianan di seguro mundial. Financiamiento a wordo realisa door di NIB, CMB y RBC.

ORANJESTAD – Prome Minister Mike Eman hunto cu su coleganan Minister Alex Schwengle di Salud Publico y Minister Angel Bermudez di Finanza tabata presente diabierna ultimo na firmamento di financiamiento di diferente proyecto pa Instituto Medico San Nicolas, cu ta wordo maneha pa dokter Joel Ranjherc.

Esaki ta un momento historico, Prome Minister Eman a bisa net prome cu firmamento di e acta di financiamiento. Historico, el a splica, pasobra ta hopi bon idea tabatin y ta hopi trabou tanto director di IMSAN Ranjherc como Gregory Croeze, di seccion di Finanza di e instituto, mester a desplega pa yega na e momento final aki.

E ta un proyecto cu a cuminsa for di e periodo di Minister Richard Visser y cu a haya apoyo di e actual Minister di Salud Publico Alex Schwengle. El a reconoce e perseverancia di gerencia di IMSAN pasobra nan a keda traha duro apesar di

